



AQQALUUP ANEERASAARTARFIA  
- OQALUTTUARISAANERMUT TUNNGASOQ, ANEERASAARTARFIK QORSUTTALIK  
UUMMARISSAQIINERMI ILIUUSISSATUT PILERSAARUT



## TUNULIAQUT SIUNERTALLU

Aqqaluup aneerasaartarfia Nuummi oqaluttuarisaanikkut attuumassuteqarlunilu ornigarluar-neqartartuni pingaaruteqartuuvoq. Kalaallit Nunaanni illoqarfinni parkituaasut ilaattut, Nuup illoqarfissuannngorsaleruttornerani oqaluttuarisaanermullu tunngasuunerani sukisaarsartarfit-tut pingaaruteqarpoq. Illoqarfiup qorsooqqissorta qarfia illoqarfiup nutaartaanut pisuinnaat aqputigisartagaannut Imaneq-mut pisoqartaanullu Nuutoqqamut kulturikkut atatitsisutut atuuffeqarpoq. Parkimi pisuinnaat, meeqqat pinnguartut, eqqumiitsulianik saqqummersitsivit-tut aammalu utaqqiisaasumik aqqqissuussinernut aqqusaarneqartarfiuvoq.

Parkip maannakkut pitsaaqutai suli qorsooqqissumi sukisaarsarfissaqqiffeqarput, uninngaarfiu-sinnaasunik, timimik aalatitsiffiusinnaasunik pinnguarfiusinnaasunik, kulturikkut aqqqissuussi-nernik timersornermillu pisoqarfiusinnaallutik. Holmit illuata isaterneqarnissaanut uiggiutitut, aneerasaartarfiup atuuffii kusassarniarneqarput ersarissarneqarniarlutillu. Iliuusissatut pilersaarutissatut siunnersuummi matumani arlalinnik suliassa qarpoq, annertuunik annikinnerusu-nillu, Holmikkut Illuata taassumalu ungataani nunaminertani ataqatigiinnerulersitsisussanik, aneerasaartarfillu uummarissarniarneqarpoq, pitsaaqutaasut pioreersut oqaluttuarisaanermul-lu tunngassuteqartut ersarissarnerisigut.

Iliuusissatut pilersaarummi suliassat arlallit immikkoortunut pingasunut agguataakkat siunnersuutigineqarput:

### 1. immikkoortoq:

- Aqquteeqqat pioreersut iluarsaannissaat sinaavi cortenstålinik ikkussuiffiginerisigut
- Parkimi qaammaqqusersuinissaq

### 2. immikkoortoq:

- Pinnguartarfiliornissaq
- Issittup naatsiiviisa uummarissarneqarnissaat
- Issiaartarfissanik pilersitsineq

### 3. immikkoortoq:

- Holmit Illuata naatsiiviata nutarterneqarnissaa

Aqqaluup aneerasaartarfia kommunimut pilersaarummi 2032-mi qitiutinneqartussatut toqqar-neqarnikuuvoq. Kommunimut pilersaarummi ilaatigut siunertaavoq illoqarfiup pinngortitallu akornanni ataqatigiissitsinissamik qulakkeerisoqarnissaa, taamaasilluni Nuuk illoqarfittut qorsuusutut pilerinartutullu innuttaasut sukisaarsarfissa qarfiattut nittarsaanneqarniassamat. Siunnersuut innuttaasunik peqataatitsiffiusussaavoq, workshoppit aammalu kommune qarfiga aqputigalugit kiisalu parkip annertuumik nalunaarsuiffigineratigut.



*Takussutissaq 1. Aqqaluup Aneersaartarfia aasami*


## AQQALUUP ANEERASAARTARFIA NUNARSUARLU TAMAKKERLUGU ANGUNIAKKAT

Aqqaluup Aneersaartarfia uumarissaqqinneqarnissaa Nuup piujuartitsiffiusumik ineriartortinneqarnissaata ilaatut isigineqassaaq. Aqqaluup Aneersaartarfia suliarineqarne-  
ra nunarsuarmi anguniakkat aqqanilissaannut immikkut attuumassuteqartutut isigineqar-  
poq, Inoqarfiit piujuartitsiffiusut, tassani makku qitiutinneqarmata:



- Iliuusissatut pilersaarummi qulakkeerneqassaaq illoqannginnersaqalissasoq qorsuusumik nungullajasuunngitsumik, nikerartunik atuuffeqartussaq piffissallu ingerlanerani ineriartortitassaq.
- Pilersaarummi qulakkeerneqassaaq, kikkut tamat isumannaatsumik angallasinnaajuarnissaat illoqarfimmilu sukisaarsaarfissaqqissuni atuisinnaanissaat.
- Pilersaarummut tapiliussap sanaartugaq patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

# AQQALUUP ANEERASAARTARFIA ULLUMIKKUT



LLOQARFIUP IMMIKKOORTUA NUTAANNGITSOQ

AQORTUMUT ATANERA

Petanquebane

Blå kors

Iliveqarfik

Holm-it illuat naatsiivalu

Annaassisitta Oqaluffia

Eqqaassutissaq

Taseq

GUX-ip tunga-anut aqqusineq

Kuunnguaq / Kussineq

Ujaqqamik eqqaassutissiaq

Qaarsuinnaq

Aqquteeraq inu-it tummarlugu namminneq pilersitaat

Utoqqarnut inissiaqarfiit

Issittup naatsiivii

Ujaqqamik eqqaassutissiat

Ortofoto, 2021


NUUTOQAG




IMANERMUT ATANERA

ILLOQARFIUP NUTAARTAA







UKIUKKUT QANOQ ISSINNAANERANIK  
TAKUSSUTISSAQ




-  Apummut toqqorsivik
-  Utaqqiisaasumik/ukiup qanoq ilinera apeqqutaatillugu pisussanut nunaminertassiisutit
-  Ukiukkut aqqutigineqartartut



AASAKKUT



-  Nunaminertat sanaartorfigineqanngitsut
-  Naasut aputip katersuunneranik sunnerneqarneri
-  Aqqutit aasami atorineqartartut

ANORI NIPILIORNERLU



-  Immikkoortut nipiliorfiunerusut
-  Anorip sunniinera, pingaartumik avannaq kujasilluunniit

ANEERASAARTARFIUP ALLANNGORARTUUNERA

Aqqutit pioreersut arlalinnik napineqarput, tamannalu pissutigalugu naleqqersoruminaappoq. Ukiukkut parkimi angallattoqarpiarneq ajorpoq, aputaajarneqarneq ajorami. Siunissami aqquteeqqat pilersaarusiornissaat qaammaqqusersuinissarlu inuit parkimi ukiukkut angallattarnerannut naleqqussarneqassaaq, tamanna naleqqunnerpaassamat, qaammatinilu taakkunani qaammaqquteqarnissaq pisariaqarnerpaasarpoq.

Ukiukkut parki apummik katersuuffiusarpoq. Taamaattumik 10 meterini ungalterni ataavartunik ikkussuisoqarsinnaangilaq, taamaassappat tamakkua aputaajaassuarnit ajoquserneqartussaammata. Parkip qeqqa tassaavoq anorlernerpaasartuq nipiliorfiunerpaasartorlu, akertianik sorpassuarnik aqqissuussiffiqarsinnaavoq.

# NALUNAARSUINEQ - PISSUTSIT PIOREERSUT



Vinter



Tidligt forår



Sommer



*Issittup naatsiivii atuarlugit isikkivik Holmillu Illuata tungaanut aqqutitoqqaq, Holmit Aqquataat. Aneerasaartarfimmi aqqutit aqqutitoqqamut ataneqarput, qalliaqutillu assigiinngitsut tamaaniittut naapiffeqartinneqarput.*





*Holmit naatsiiviat assigiinngitsunik nammineq naaneqarpoq, orpikkat, kuannerit, ivikkat nerisassanullu akuutisat sikkernillit assigiinngitsut.*



*Aneerasaartarfimmi kusserngit atuarlugit naggorinneruvoq. Nuna masarluusoq naggorissorlu naatitsivigiuminarneruvoq.*



*Issittup Naatsiivii ukiut 40-t miss. matuma siornagulli pilersinneqarsimasut suli atapput, uninngaarfigneqartarlutik, pinnguarfigineqartarlutik naatitsivittullu atorneqartarlutik.*



# PISSUTSINUT PILERSAARUT



Issiaarterfiit

Pinnguarterfik

Holm-it illuat naatsiivialu

Issittup naatsivii



# ILIUUSISSATUT PILERSAARUTISSATUT SIUNNERSUUT


Suliniutit immikkoortukkuutaarlugit agguataarneqarput, nalitussusii pisariaqarnerilu najoqqutaralugit.

|                | SULINIUTISSAT  | ATORTUT   | KIAP  |
|----------------|--|---|---|
| IMMIKKOORTOQ 1 | <ul style="list-style-type: none"> <li>- Aqquteeqqanik pioreersunik sinnikunik asfaltilersuineq</li> <li>- Kuluusit manis-sakkat atorlugit aqquteeraliorneq sinaakkusersuinerlu</li> <li>- Parkimi qaammaqqusersuineq</li> </ul> | <ul style="list-style-type: none"> <li>- Kuluusit teqqalann-gitsut ujaraaqqallu</li> <li>- Cortenstål limit sinaakkusersuinerit aammalu toqqaviit betoniusut</li> <li>- Qullilerfiit toqqaviillu</li> </ul>   | <ul style="list-style-type: none"> <li>- Sanaartornermut Immikkoortortaqaarfik</li> </ul>                                 |
| IMMIKKOORTOQ 2 | <ul style="list-style-type: none"> <li>- Kusserngup allinissaa pinguarfissanillu pilersitsineq</li> <li>- Issittup naatsiiviisa uummaarissaqqinnissaat</li> <li>- Issiaartarfinnik pilersitsineq</li> </ul>                      | <ul style="list-style-type: none"> <li>- Kussiniliortoqassaaq tamannalu nunatanut manissumut angisuumut siammarneqassaaq</li> <li>- Ujararujussuit pinguarnermilu atortut inissinneqassapput</li> <li>- Issittumi naatsiiviit ataasiakkaat peerneqassapput (ujaqqat toqqorneqassapput)</li> </ul> | <ul style="list-style-type: none"> <li>- Sanaartornermut Immikkoortortaqaarfik</li> <li>- Siu Tsiu ikiutissaaq</li> </ul> |
| IMMIKKOORTOQ 3 | <ul style="list-style-type: none"> <li>- Holmit Illuata nutarterneqarnissaa</li> </ul>   | <ul style="list-style-type: none"> <li>- Naatitsiviliortoqassaaq</li> <li>- Mistbænkinik pilersitsisoqassaaq</li> <li>- Issiaviit nerrivittallit</li> <li>- Inerittussanik siammarterisoqassaaq</li> <li>- Naasut orpikkallu ikkussorneqassapput</li> </ul>                                       | <ul style="list-style-type: none"> <li>- Sanaartornermut Immikkoortortaqaarfik</li> <li>- Siu Tsiu ikiutissaaq</li> </ul> |



# IMMIKKOORTOQ 1

## AQQUTEEQQAT QAAMMAQQUTILLU



### CORTENSTÅLINIK SINAAKKUTINIK QAAMMAQQUTINILLU INISSIINERIT

- Aneerasaartarfik qeqqanit isigalugu
- Cortenstålínik sinaakkutit
- Aqqusinnermi qulleq

## TUNULIAQUT SULINIUTILLU


Aqqaluup aneerasaartarfia ukiukkut aasakkullu pisuttuarfigineqartarpoq meeqqallu pinnguarfigisarlugu. Aqquteeqqat pioreersut, asfaltílikkat kuluusílikkallu, erseqqissumik atorneqarneri malunnarpoq. Sinai qulloorput, pingaartumik asfaltílersukkani sinainungullartiterput. Taava aamma asfaltílersukkani qerinerani aserortitersimapput, taamaattumillu maniíllisimallutik.

Tamanna iluarsíivígíniarlugu, aqquteeqqat kuluusunik manissakkanik qallersorneqassapput, taakkuumata íssimut íllersorneqarsinnaasut. Aqquteeqqat manissunngortínnissaat píngaaruteqarpoq manngersunngortíllugit, taamaasílluni meeqqat cykkílerut


pítsorluttullu aqqutígíinnartarníassammassuk.

Cortenstålínik sínaakkutíllisoqassaaq aqquteeqqat qorsortallu orpígartallít, ívígartallít nerísassíornermílu akúutíssaník naatítívíusímásut akornanní kíllegárníssaa qulakkeerníarlugu. Cortenstål ílloqarfímmí sumí tamaaní atorneqarpoq, aammalu paasísutíssíisarfínní atorneqarlutík. Atoqqííníkkut parkímí ataqaatígííssítísísoqalíssaaq, aammalu ísíkkumígut takujumínlunílu eqqíssísimanartúussalluní, taavalu aqquteeqqat kuluusítalersukkat certenstålínik sínaakkusíkkat kíllíllíísuussapput (bíllít íl.íl) angallásíssutíllú oqímaannerít tamaanaartartut písuínnáallu aqqutígííssánngímmassuk.





## PIORSAANISSAMI TOQQAMMAVIIT




## ATORTUT ISUMASSARSIALLU





# IMMIKKOORTOQ 2

## PINNGUARFISSAQ IMERMILLU AANNIKUMIK SULIARINNISSINNAANEQ



### TUNULIAQUT SULINIUTILLU


Aqqaluup aneerasaartarfiata avataaniipput meeqqe-riviit arlallit, tamaanilu taakkua ilaqtariillu meerar-tallit atuisuusarput. Taamaattumik parki meeqqanit ilaqtariinniillu susassaqarfissaqqissuuvoq.

Nunataa kujammut manissuuvoq, orpikkat naqqi-ni ujaqqanik amerluunik qattunersaqartiterlu-ni. Parkimi kuserngit amerlasuut nunataanut imaarsaanermut pingaarutilerujussuupput, at-tatiinnarneqartariaqarlutillu, kisianni nutaamik eqqarsarfigisariaqarlutik, initunerulersitsinissamut atuussinnaalersillugit. Kuserngit ilaasa siammar-nerisigut, nunataa itersaqalersinneqassaaq, ilaati-gut paqqertarlunilu immaqquittartumik. Nunataata taamatut allanngorartinneratigut, taamaasillunilu uumassusiliinikkut naasunik uumasunillu pilersitsi-

nissamut periarfissagissaartilissavaa, taamaasillunilu uumassusillit pitsaasumik sunnerneqassallutik.

Aqqaluup aneerasaartarfiani pinnguartarfimmi atortut pillugit piumasaqaateqartoqartariaqarpoq, Nuummi illoqarfiup pisoqartaanut oqaluttuarisa-anermullu tunngassutilimmut naleqquttuunis-saannut tunngatillugu. Avatangiisit mianerine-qarnissaat eqqarsaatigalugu, atortut suunissaat ataqatigiissinneqarsinnaapput, pinngoqqaarnerattut atorluarlugit, assersuutigalugu qassutinik angalla-tillu puttaqutikuinik qallorfissalerlugit imaluunniit pissittaarfissaliaralugit. Tamakkua saniatigut pinnguarnermi atortut tassaasariaqarput pinngortitamit pisut ajornaatsut, illut pioreersut taamaasillutik takussunarsarneqannginniassammata.

# ATORTUT ISUMASSARSIALLU




 Pinnguaqtarfik





# IMMIKKOORTOQ 2

## ISSITTUP NAATSIIVIISA UUMMARISSARNEQARNISSAAT



### TUNULIAQUT SULINIUTILLU


Issittumi naatsiiviit 80'ikkut naajartulerneranni napparneqarput, issittumi naasunik, soorlu orpikkanik nunatsinnilu akuutissat atornerqarnerpaasartut naatinneqartarnissaat siunertaralugu. Ullumikkut naatsiiviit amerlanerit pingaartumik orpikkanit naaneqalersimapput, masarsummi naasartut padderok aammalu kuannerit, taavalu nunatsinni akuutissatut atornerqartartut tamaani naasinnaasimanatik.

Issittumi naatsiiviit ilusilersorneqarneranni ujaqqat, betonilu atornerqarput, taakkulu parki akimorlugu qorsortatut malunnarsititsipput, ivikkanit orpikkanilulu naaffigineqarnerusarualuartut. Naatitsiviit ase-

qqukuunngivipput, ataasiakkaalli aserfallassimapput piiarneqarnissaannullu nalilerneqarlutik. Tamakkua aamma, naatsiivinni pioreersuni takisuuni alakkarteriffissatut atornerqalissapput, parkip sinnera tamaat takujuminartutut isikkoqalersissallugu, tassani parkip isuaniit isuanut isiginnaarneqarsinnaalissammat.


Naatitsiviit ataannartussat eqqaanni, uninngaartarfinnik pilersitsisoqassaaq, silap qanoq innera apeqqutaatillugu oqquiffissalinnik kialaarfissalinnik. Taamatut ajornanngitsumik ilaneratigut atuuffiit nutaat pilersinneqassapput, peqatigitillugulu qorsortaartiternerata attatiinnarneqassalluni.

## PIORSAANISSAMI TOQQAMMAVIIT




Qaleriiaarinerit  
Toqqavii betonit

Qisunnik tummarfiliornissamut  
tukimoortunik ikkuffiliinissaaq



× Issittup Naatsiivii piagassat



Tukimoortunik  
ikkuffissaliineq

Qaleriiaarinerit  
Toqqavii betonit

Sallilikkiassanit  
tummarfiliat


## ATORTUT ISUMASSARSIALLU





# IMMIKKOORTOQ 2

## QEQERTALIAT




*Issittumi naatsiivinniit tatsit sinaasa ujaqqanik pilersornissaat*

### TUNULIAQUT SULINIUTILLU


Parkip avannaata tungaani pingasunik qeqerta-asaliortoqassaaq. Toqqavii issittumi naatsiiviit toqqaviisut suliaassapput, tamannalu pissutigalugu ujaqqat piiakkat atoqqinneqarsinnaalissapput. Atoqqiinikkut parkimi ataqatigiissitsisoqalissaaq, aammalu isikkumigut takujuminarlunilu eqqissisimartuussalluni. Qatsissuliat toqqissunngorlugit suliat issiaarfigineqarsinnaallutillu takutitsisarfiusinnaapput.

Qeqertaliat qeqqanni putuliat orpikkanik imaluunniit ninngusuunik allanik naatsivigineqarsinnaapput, tununngatillugu oqquiffiusinnaasut. Parkip avannaata tungaa manissukujuummat, qeqertaliat inutininngortitsisinnaapput qorsortaliillutillu, taamaasilutillu parkimi oqimaaqatigiissitsinerulerlutik.


PIORSAANISSAMI TOQQAMMAVIIT



Tukimoortunik ikkuffissaliineq



Qeqertaasat inissiffissaat



Aqquitit qisuit


ATORTUT ISUMASSARSIALLU





# IMMIKKOORTOQ 3

## HOLM-IT ILLUAT NAATSIIVIALU



### TUNULIAQUT SULINIUTILLU

Holmit illuata maannakkut nutarterneratigut isertartut amerlanerulersinneqassapput avataaniittorlu annertusineqarluni. Tassunga atatillugu pingaaruteqarpoq, illup silataani naatsiiviup takujuminartuunissaa ammasutullu isikkoqarnissaa. Naatsiiveqar-neq pingaaruteqarsimavoq, naatitanik nammineq atugassanik naatitsivittut kingornatigullu takujumi-nartunngorlugu aliannaarsaarfittut. Nuup pisoqarta-ni oqaluttuarisaanermut attuumassuteqartumi sulinaatsiiviit qaartunik ilisarnartunik ungaloqartinneqarput. Aamma taamaappoq Holmit illuanni. Naatsiivik assut naanikuvoq, allaat illup portussusaatut portutigisumik orpigaqarluni. Tamatumunnga illup kujammut sammerngata oqquunera pissutaavoq.

Naatsiiveqartar-neq ingerlateqqinniarlugu, naatitassanik naasunillu aasakkut naasartunik naatitsiviliisoqassaaq, taavalu naatsiivimmi, nunatsinni naatsiivinni takussaasorujussuusartut mistbænkit ikkunneqassallutik. Naatsiivik naaneqassaaq nammineq paarisutut kuannerit portusuut, orpikkat inneruulallu. Naatsiiviup paarinissaa Siu Tsiu suleqatigalugu ingerlanneqarsinnaavoq, taakuum-mata nunatsinni inuusuttunik piukkunnarsaasartut ilinniaqqinnissaannut imaluunniit suliffeqalernissaannut aqutissiuussisartut. Illoqarfimmi peqatigiiffiit peqataatinnerisigut, nutaamik uummarissaasoqassaaq sumiiffimmillu pissusissamisoortumik piginnittuunermik misigilersitsisoqassalluni.

# ATORTUT ISUMASSARSIALLU

